

20 JUL 2000

PERDANA MENTERI TIBA DI KEDAH

ALOR SETAR, 20 Julai (Bernama) -- Perdana Menteri Datuk Seri Dr Mahathir Mohamad tiba di sini untuk merasmikan Konvensyen Umno Kedah, pagi ini.

Perdana Menteri yang diiringi isterinya, Datin Seri Dr Siti Hasmah Mohamad Ali, tiba dengan pesawat khas di Lapangan Terbang Sultan Abdul Halim, Kepala Batas dekat sini pada pukul 9.30 pagi.

Ketibaan Perdana Menteri disambut oleh Menteri Besar Datuk Seri Syed Razak Syed Zain, anggota-anggota exco Kerajaan Negeri, pegawai-pegawai kanan kerajaan negeri dan kira-kira 500 orang anggota komponen Barisan Nasional (BN).

Dr Mahathir dijangka merasmikan Konvensyen Umno Kedah di Kompleks City Plaza di Alor Setar pagi ini.

Pada kira-kira 2.30 petang ini, Dr Mahathir akan melawat pusat siber Kubang Pasu di Jitra.

-- BERNAMA

ZA PR